

Канон преподобным Зосиме и Савватию Соловецким

Память празднуем 8 (21) августа

Тропарь, глас 8-й

Яко светильницы явистесья всесвѣтлии, во отѣце окиана моря, преподобнии отцы Зосимо и Савватие: вы бо крест Христов на рамо взѣмше, усердно Тому последовасте, и чистою Богу приближившесья, отонудуже силами чудес обогатистесья. Тем и мы любезно притекаем к ракам честныхъ мощейъ вашихъ, и умильно глаголем: о, преподобнии, молитѣ Христа Бога, спастисья душамъ нашимъ.

Канон, глас 2-й

Песнь 1

Ирмос: Грядите, людие, поимъ песнь Христу Богу, раздѣльшему море и наставльшему люди, яже изведе из рабы египетския, яко прославися.

Припев: Преподобнии отцы наши Зосимо и Савватие, молитѣ Бога о нас.

Просвещениемъ Трисолнечнаго Божества, озарившесья, премудрии, светила явистесья осиявающа всюду: тем и нас темностию страстей омраченныхъ, просвещениемъ благодати озарити помолитесь, и душамъ получитьи спасения.

Преподобнии отцы наши Зосимо и Савватие, молитѣ Бога о нас.

Светомъ Божественныхъ благодати просвещаемы, Зосимо и Савватие преблаженнии, верно светносную вашу память торжествующихъ, просветите, и от тмы греховныхъ, молитвами своими, преподобнии, избавите.

Слава: Духу Святому храмъ премудрии бысте, и к Нему все духовное желание обратисте, и сего ради краткихъ землю наследовасте: душевную нашу страстную бурю преподобнии укротите, да в тишинѣ божественней бывше, песнословимъ ваша подвиги.

И ныне: Лютыми страстей навѣты, обуреваемъ есмь, Отроковице, и прилоги греховными погружаемъ: к Твоему единому тихому и невлаемому пристанищу любовию прибегаю, Всепетая, ущедри всаси мя, Приснодево.

Песнь 3

Ирмос: На камени мя веры утвердивъ, расширилъ еси уста моя на враги моя, возвесели бо ся дух мой, вегда пѣти: несть свят, якоже Богъ наш, и несть праведен, паче Тебѣ, Господи.

Преподобнии отцы наши Зосимо и Савватие, молитѣ Бога о нас.

Высотой смирения украшаемы, Зосимо и Савватие преподобнии, и все убо желание ко Владыце своему простросте, яростная же движения на враги вооружисте, со изрядными делы своими, постомъ и молитвами.

Преподобнии отцы наши Зосимо и Савватие, молитѣ Бога о нас.

Плотей своихъ востания, крепкимъ пощениемъ преподобнии умертвивше, обителище бысте Владычне: Егоже умолите избавитися скорбей и мучительства страстей, с

вѣрою притекающим к вам, преблагеннии.

Слава: Имущи споспешствующу Божественную силу, исцеления безчисленная источают мощи ваша, Зосимо и Савватие преподобнии: отгоняют от человек болезни телесныя, и душевныя страсти врачуют, подвиги вашими всечестнии.

И ныне: Трудяет мя буря греховная, и возмущение безместных помышлений: умилосердися, Всенепорочная, и руку ми помощи яко милостива простри, яко да спасся величаю Тя.

Господи, помилуй (трижды).

Седален, глас 4-й

Житейское море воздержанием безбедно преплывше, и ко пристанищу мысленному безстрастия радуящися доидосте, преподобнии отцы Зосимо и Савватие, Богомудрии и преблагеннии: молитѣ Христа Бога, спастися душам нашим.

Песнь 4

Ирмос: Пришел еси от Девы, не ходатай, ни Ангел, но Сам, Господи воплощся, и спасл еси всего мя, человека. Тем зову Ти: слава силе Твоей, Господи.

Преподобнии отцы наши Зосимо и Савватие, молитѣ Бога о нас.

Умом и душею предпочистившися преподобнии, прелесть душепагубную всеконечне от себе отвергше, и чувства своя к немутней тишине управисте, во оток морской премудрии вселистеса, воспевающе: слава силе Твоей Господи.

Преподобнии отцы наши Зосимо и Савватие, молитѣ Бога о нас.

Законы новыми и Ветхим Заветом, разума святых поучающися, Зосимо и Савватие преподобнии: всякия добродетели образ навькше, мудрей пчеле подобящися, и приятелище изрядно Духу Святому премудрии бысте, воспевающе: слава силе Твоей Господи.

Слава: Всяческими, преподобнии, светящися чудодѣйствы, и Божественною озаряеми благодатию, всем познастеса сокровище исцелений неистощимо, страстей отгоняете омрачение, и вражия низлагаете ополчения, воспевающе: слава силе Твоей Господи.

И ныне: Из утробы Твоея Чистыя Отроковице, возсияв Божественное Солнце, иже сущих во тьме многобожия просвети, и в сени смертней сидящих, Владычице, осия, Емуже воспевающе зовем: слава силе Твоей Господи.

Песнь 5

Ирмос: Просвещение во тьме лежащих, спасение отчаянных, Христе Спасе мой, к Тебе утреннюю, Царю мира, просвети мя сиянием Твоим, инобо разве Тебе Бога не знаю.

Преподобнии отцы наши Зосимо и Савватие, молитѣ Бога о нас.

Тесный предпочетше, пространному пути преподобнии: и радуящися, во отце морстем всячески утесняеми, претерпесте, божественными поучении души своя очщающе, и доброту Божию неизглаголанную, присно взирающе преблагеннии.

Преподобнии отцы наши Зосимо и Савватие, молитѣ Бога о нас.

Незловиви и кротцы и милостиви преподобнии бысте: темже благодать и милость от Бога свьше приемше, милостивно нас просвещайте, любовью святыю память вашу почитающих.

Слава: Яко великое солнце, величием подвиг ваших возсияете нам, Зосимо и

Савва́тие преподо́бнии, земны́я осиява́юще концы́, и вся просвеща́юще све́том богоразу́мня. Тем мо́лим вы, просвети́те наш разу́м, отцы́ преблаже́ннии.

И ны́не: От мно́жества воста́ющих на ны, в боле́зни исче́зе живо́т наш, погрязо́хом в про́пасти безчи́сленных согреше́ний. Спаси́ ны, Влады́чице, и возведи́ я́ко ми́лостива, Всенепоро́чная: Тебе́ бо има́мы еди́ну Предста́тельницу непобеди́му, раби́ Твои́.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Преподо́бнии отцы́ на́ши Зоси́мо и Савва́тие, моли́те Бо́га о нас.

Ева́нгельски преподо́бнии Христа́ возлю́бльше, ми́ра отврати́тесь, в непроходи́мая же, и в пусты́я ото́ки заше́дше, Еди́ному Влады́це своему́ прилепи́тесь: от Него́же и трудо́м воздая́ние прие́мше, живото́у ве́чному я́ве причастив́шеся, за пою́щия вы моли́тесь.

Преподо́бнии отцы́ на́ши Зоси́мо и Савва́тие, моли́те Бо́га о нас.

Богому́дрыми по́мыслы преудобри́вшеся, преподо́бнии, и вся я́же на земли́ льстя́щая, я́ко уме́ты вмени́вше, к нестаре́ющему предста́вистесь блаже́нству, с ли́ки во све́те Безплото́ных Сил, о Бо́зе при́сно сликовству́юще, преблаже́ннии.

Слава: Стра́нна и пресла́вна, преподо́бнии, о Бо́же содева́юще чудеса́, всем и́же в мо́ри пла́вающим, и зле стра́ждущим, призыва́еми, ско́ро предста́ете, от бед изба́вляюще: и нас бе́дствующих лю́те, и напа́стыми одержи́мых, ми́лостивно предста́вше спаса́йте, преблаже́ннии.

И ны́не: Греха́ тяжкое бре́мя, е́же отяго́те на мне, Пречи́стая, облеги́: Ты бо еси́ Предста́тельница грешником пресла́вная, Изба́вителя и Спа́са ро́ждши земны́м.

Господи, помилуй (трижды). Слава, и ны́не:

Кондак, глас 2-й

Христо́вою любóвию уязви́вшеся, преподо́бнии, и Того́ крест на ра́мо взем́ше понесли́ есте́, божество́нне воору́жившеся на невиди́мая враги́, и непреста́нныя моли́твы я́ко копи́е в руках иму́ще, кре́пко победи́ли есте́ бесо́вская ополче́ния: благода́ть Господню́ прие́мше цели́ти недуги́ душ и телес, притека́ющих к ра́кам честны́х моще́й ва́ших, чудес лучи́ испуща́ете всюду. Тем зове́м вам: ра́дуйтесь, преподо́бнии отцы́ Зоси́мо и Савва́тие, мона́хом удо́брение.

Икос

Кто дово́лен изрещи́ ва́ших чудеде́яний, преподо́бнии отцы́ Зоси́мо и Савва́тие, мы у́бо ра́достию и Божество́нною любóвию почита́юще всехва́льную и всечестну́ю па́мь ва́шу, ма́лое си́е пе́ние прино́сим: ра́дуйтесь, испо́лнению Христо́вы красото́й, и пресве́тла от Него́ и преизоби́льна восприи́мшии воздая́ния: телесы́ у́бо вас морски́й о́стров при́ят, ду́ши же са́мое не́бо, по́чести трудо́в свои́х, прехва́льнии, восприе́мше от Христа́ всех Ца́ря и Бо́га. Тем мо́лим вы, посеща́йте ми́лостивно, и моли́те непреста́нно о всех нас.

Песнь 7

Ирмос: Образу́ злато́му, на по́ле Деи́ре служи́му, три́е Твои́я о́троцы небрего́ша безбо́жнаго велéния, посреде́ же огня́ вверже́ни, ороша́еми, по́яху: благослове́н еси́, Бо́же оте́ц на́ших.

Преподобнии отцы наши Зосимо и Савватие, молитесь Бога о нас.

В молитвах бодренное, и в пощених крепкое, и терпение во искушениях неослабное, ума чистотою, преподобнии, покажете, и земных достойно отступльше, небесное наслаждение обретете, воспевающе: благословен Бог отец наших.

Преподобнии отцы наши Зосимо и Савватие, молитесь Бога о нас.

Плод духовный, и жертву непорочную, житие свое, преподобнии, Владыце принесете, в воздержании бо всяцем поживете, от Негоже и почести трудом яко подвигоположницы восприемше, действуете преславная чудеса, воспевающе: благословен Бог отец наших.

Слава: Страстми колеблющихся, и бурю греховною, преподобнии, погружаемых, яко великое к Богу дерзновение имуще, руководствуйте, и всегда, премудрии, сохраняйте, почитающих вас благочестно, яко да воспеваем: благословен Бог отец наших.

И ныне: Избави нас от напастей и скорбей, и печалей различных, и иноплеменных нашествия, и междоусобных брани, Владычице Всепетая, яко да Тя славим, и Сыну Твоему взываем: благословен Бог отец наших.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющая: благословите, вся дела Господня, Господа.

Преподобнии отцы наши Зосимо и Савватие, молитесь Бога о нас.

В пребывалища присно живущая вселитесь, преподобнии, нетленных благ наслаждающиеся, и Трисолнечныя Светлости исполняющиеся, нас, призывающих вы, теплым предстательством вашим, от всех лютых спасайте поющих: благословите, вся дела Господня, Господа.

Преподобнии отцы наши Зосимо и Савватие, молитесь Бога о нас.

Нам иже любовью почитающим вас, и честное ваше совершающим торжество, Христовы угодницы Зосимо и Савватие, преподобнии отцы, согрешением испросите оставление, и страстей пременение, и Божественнаго света осияние поющим: благословите, вся дела Господня, Господа.

Слава: О Прбезначальное Естество, и Трисоставное Единство, Отче и Сыне и Душе Пресвятый, прими от нас молитвенники Твоя преподобныя угодники, и подаждь прегрешением разрешение, и житию исправление, и злых отчуждение, и сподоби ны в мире воспевати Твою державу: благословите, вся дела Господня, Господа.

И ныне: Яко Единая рождши безсеменным рождеством Христа Бога, Мати Безневестная Чистая, Сего милостива сотвори, Владычице, спаси рабы от насилия и мучительства вражия, вопиющих Христови Сыну Твоему: благословите, вся дела Господня, Господа.

Песнь 9

Ирмос: Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная. Тем Всепетую Богородицу величаем.

Преподобнии отцы наши Зосимо и Савватие, молитесь Бога о нас.

Выспрь к Богу имуще мысль, Зосимо и Савватие преподобнии, земная оставльше, небесная восприяте, Богу и Спасу вас вельми прославльшу, трудов ради ваших, и

воздержания неослабнаго: сего ради почитаем вас, преблаженнии.

Преподобнии отцы наши Зосимо и Савватие, молитесь Бога о нас.

Ихже благ, преподобнии, получите, и небесныя славы, еже от Бога сподобитесь, и Емуже вину предстоите, молитесь и нам неотлученым быти, молим вы, радостию и Божественною любовию почитающим подвиги ваша всечестнии.

Слава: О Божественная и Богомудрая, и священная двоице, Зосимо и Савватие, миру миру от Бога низпослатися испросите, церквам соединение и всем скорбящим утешение и спасение, преблаженнии.

И ныне: Пощади мя, Христе Спасе, пощади молитвами рождшия Тя, и всех святых Твоих: егда сядеши судити делом моим, беззакония моя и грехи моя презри, яко един безгрешен.